

漆原尹氏舊譜跋

萬曆丙辰

吾先乃嶺南漆原人也發源於斯分派於斯綿綿不絕以至於今蓋有  
諱松碑之前茫茫未詳松碑之後歷歷可記自松碑五代孫諱天怡始  
人於李朝漢都之初子孫因此世居以至九代內外蕃椒簪纓滿朝  
余嘗聞源浚之水其流必長根固之木其枝必茂若然則因其源之浚  
根之固而其枝流之茂且長可知也余之高祖諱碩輔少宰郡牧纖毫  
不犯以清白被選於成廟朝載地志當燕山朝屢爲司諫又拜直提  
學以盡言不撓甲子夏謫江陰是年冬十二月二十五日卒于謫所  
中廟反正初特贈都丞旨子諱豐亨卽余之曾祖也亦以清節自勵  
以世其家正色入朝久長玉堂爲金安老所斥出按關東自號松月菴  
前後述稿集成五卷蓋千有餘篇略選其百餘首附于末庶賴此而不  
朽余受軍資叅軍及奉事之職七年治任之餘廣求成譜適守麟蹄方



欲開刊未及一朔遞罷以來未遂素志是爲平生之恨然後之繼吾志者豈無其人哉吁或盛或衰人事之常今其子孫縱未至於克昌天欲復興吾門必使雲仍滾滾且長也余於源浚流長根固枝茂之說浚有感焉萬曆四十四年臘月 日通訓大夫行麟蹄縣監原州鎮管兵馬節制都尉尹祥謹跋

肅宗丁酉刊譜跋

右漆原尹氏族譜四編別錄一編總一百六十有五策我尹氏始大於麗羅之際嘗七葉疏爵蔚爲世望繼以忠義公有文有猷著於西京之季逮我昭代有若直學公以直歿燕山朝 靖陵改紀追典大備則烈聞載世亦不徒衣冠之蟬聯也然獨譜牒之傳尚未有登梓者而文有不足徵豈非吾宗之所羞也哉肆我先從祖觀察公嘗浚致意焉歲癸亥出按湖西節亟通論於京外諸宗遍收長單事將凜凜就緒而公遽



不幸矣迄至今三十餘載又未有能繼之者惟公經始之功不幾於黜  
昧而尹氏之譜果無可完之日矣不肖敬龜竊不自揆妄意述事且承  
季從祖司評公旨意發書同宗夏收癸亥以後子女錄并就前所褒集  
各以世編之鳩合私財仍卽家塾而繡木焉凡系派圖位一依家藏舊  
牒而亦有參以諸宗所記芻考諸譜略加夏證者蓋舊牒所載始起於  
甫尹公而且考癸亥所收長單中有湖南宗人世樞甫能傳十二代不  
傳之系者至若妣位姓氏無不備載吁亦奇矣然其失傳久矣一門之  
長德先輩亦未有能言之者旣無左驗明證而只憑一人所記遽加編  
入義有所不敢茲謹別書於卷首以爲傳疑之地後之來者如或因此  
而尋其封表所在得若碑誌等徵信文字豈非宗門之一大幸歟夫十  
二代之系雖如是不可詳而甫尹公之爲叅政公上世則亦旣明矣然  
斯譜之系始自叅政公者何也蓋叅政公以上系次旣斷續不完有難



傳信故今倣張谿谷世譜起自執義之意略加著識於前而立統紀序實昉於此其勢然耳且吾宗金石諸紀固已多祖叅政公則亦非余所敢定也外孫男女及諸房側出並止當代而不書者何也不徒事力不贍有難遍錄兼以存別內外重名分之義也且漆原伯五昆季分主各編何也今吾尹氏諸支不外此五派故略依杞溪俞氏譜例俾使覽者易見焉於乎昔程叔子論管攝天下人心歸本於明譜系蘇明允序其譜自保觀者之起孝悌心有是哉譜牒之作關乎世教而實孝悌之需也然自子長自序孟堅敘傳以來下逮唐宋諸家能尊祖展親文彩著於後者亦甚尠焉及乎近世文勝姓各有譜而未聞孝悌之行於世也高揜前古則只是譜而止耳抑我尹之至今無譜豈其躬行孝悌有不待譜而然歟然而其始惟一以至不億則自非紀籍有難遍存而不遺斯譜之作終亦不可以已也夫茲謹略識經紀顛末於卷尾且有以



告焉詩不云乎凡今之人莫如我同姓惟我諸宗須念明譜之意有繫  
風教而其必本之以孝悌無忝於修譜之前而加勉於修譜之後則歷  
世未就之舉及今日乃成者庶幾永有辭焉他餘法式俱見凡例中可  
以類推云爾 崇禎紀元後再丁酉孟秋朔日叅政公十七代孫進士  
敬龜謹跋

英宗辛酉世譜繼刊跋

惟我漆原尹氏族譜始得刊行于世此誠吾宗一大幸也前後修譜顛  
末亾伯氏進士公跋文已悉復何贅焉噫吾伯氏積年攷證新舊譜

肅宗丁酉始成全書八刻廬三四十板工未及訖吾伯氏不幸捐背中  
途而廢吾宗莫不咨嗟余以踵成班史之意惕焉疚懷經紀者久今戊  
午猥忝湖臬族叔前正言志泰氏適又莅瑞山縣遂與相議割俸錢如  
干俾志泰氏相役一依丁酉本刊出其後內外子孫科官生卒姑俟日



後之續成噫噫吾宗人惇親之誠亾伯氏明譜之意今幸不墜於地矣  
遂泣涕而略識于下方以備後屬之參考云爾今 上卽位之十七年  
辛酉中春叅政公十七代孫通政大夫前公洪道觀察使兼巡察使敬  
龍謹拜手追跋

正宗甲寅草譜跋

漆原尹氏譜始於 肅宗癸亥我曾叔祖鳴巖公而未及成丁酉我伯  
父悔窩公承曾季祖一默軒公命編成劄劄而未卒 英宗辛酉先君  
子與族祖司課公志泰氏畢刻而其後四五十年之間後承多未及載  
凡例亦甚踈略仲氏旡閔齋公有意續成旁按諸家譜僅編草譜而同  
宗諸房散處京鄉家先文獻幾乎無徵仲氏每爲之盡傷仍藏筐笥者  
久矣第念此雖草本若未能淨寫爲一帙則吾仲氏積年用工者安知  
不歸於故紙散佚無傳耶用是爲懼適莅沁營茲謄一本而如不更加



修潤則不可以此登梓况豐阡之三世石役纔畢事力不逮又當臨歸  
忙迫者乎或者後之人克體吾仲氏之意更爲釐正付之剞劂則豈非  
吾宗一大幸事耶謹書此以俟之

甲寅孟春叅政公十八代孫資憲大夫江華府畱守兼鎮撫使

師國拜手謹書

純廟乙丑譜序

忠孝公派派譜八卷

吾東漆原之尹肇自新羅之世而其有譜亦遠矣累十世同一譜而系  
派井井使覽者瞭然然其世寢遠而族益繁則譜牒之修終難保其如

一今其宗中相與發議各成派譜此卽門下侍中漆原伯及三重大匡

漆城府院君以下兩派系牒也漆原伯十五世孫載默實主張是而與漆城

君十七世孫必鎬遠來問序於余余略閱其先系自漆原伯漆城君以

上其德業勳爵尚矣李朝以來有若寶文閣大提學公之偉文隆望虎巖



公志節之卓都事公孝行之篤統禦公之守義罹禍與夫槐亭公之篤學高識此君軒之討敵效忠其奕葉發舒一何偉哉噫凡有系譜者儘所以收宗族而厚風俗立忠義而益朝廷今此異於舊譜之增修而爲一年工夫如古人所云者豈不善乎抑又有使人與感而致敬者比他譜不翅倍筵顧在一譜中無一人異趣其視世之黨習成痼分門割戶至有戈戟相尋者果如何也譜於斯者苟能有孝悌之心油然而生如蘇氏之說則亦非徒爲考閱派系而已其於歲時花樹之會益相惕勵以盡其承先裕後保族宜家之道也歟是爲序

崇禎後三乙丑孟秋恩津宋煥箕謹序



漆原尹氏世譜卷之一上

松 磾 上見

高麗銀青光祿大夫  
參知政事兼東  
北面都指揮使  
元官中郎將墓漆  
原北面檢丹池洞  
震龍卯坐  
配 宋氏墓在公墓上

二世

子 養 三

光祿卿樞密院副  
使行右贊善檢校  
神虎衛將軍  
配開城府王氏東原  
君女  
墓失傳

三世

子 秀

正順大夫軍簿判  
書鷹揚軍上護軍  
春宮翊衛史作樞  
密府使致仕元宗  
忠烈朝人  
配務安朴氏密直副  
使瑋女上護軍成  
器孫上將軍儒曾  
孫墓漆原數谷一  
云檢丹太史公墓  
後宋夫人墓下卯  
坐

四世

子 吉 孫

奉翊大夫檢校選  
部典書  
配光州金氏文肅公  
周鼎女  
墓失傳

五世

子 安 信

判書  
配軍威羅氏允材女

六世

女 金 隨

樂安人洛川君  
父尚書南正  
子金 彌  
文府尹  
女鄭 惇  
清州人政堂西  
原君諡文愍

女 權 仲 達

安東人知密直花  
原君  
父政丞漢功

子 權 嗣 宗

判書

子 權 季 容

判書禮泉君

女 全 貴

旌善人宰臣

女 柳 惠 芳

文郡守

女 閔 瑾

驪城府院君